

Zijad Jagodić

1. Inicijativa upućena Kolegiju Predstavničkog doma – “U skladu s članom 8. Poslovnika Predstavničkog doma Parlamentarne skupštine BiH, podnosim poslaničku inicijativu za Parlamentarnu skupštinu BiH i Vijeće ministara BiH kojom bi se dobit komercijalnih banaka u BiH za 2013. godinu i dalje oporezivala po stopi od 50%, do daljnjeg. Navedena sredstva namjenski bi se usmjerila na rješavanje obnove poplavljenih područja u BiH.”
2. Inicijativa upućena Vladi Federacije BiH, Vladi Republike Srpske i Vladi Brčko Distrikta BiH – „U skladu s članom 8. Poslovnika Predstavničkog doma Parlamentarne skupštine BiH, podnosim poslaničku inicijativu za Vladu Federacije BiH, Vladu Republike Srpske i Vladu Brčko Distrikta BiH, kojom, imajući u vidu neefikasnu obradu zahtjeva kroz rješenja i postupke koji zavise od teritorijalnog uređenja entiteta, iniciram da se definira jedinstven obrazac na kojem će niže instance - općine i kantoni - dati svoje pozitivno ili negativno mišljenje o gradnji predmetnog objekta.“
3. Pitanje postavljeno Predstavničkom domu Parlamenta Federacije BiH, Vladi Federacije BiH i Federalnom ministarstvu poljoprivrede, vodoprivrede i šumarstva – „Šta je bila strateška podloga za podjelu novčanih podrški/poticaja u poljoprivredi (po kantonima FBiH u protekle tri godine 2010.-2013.), imajući u vidu da je visina dijeljenih poticaja po stanovniku kantona u konvertibilnim markama 300 do 900% veća, a posebno u Kantonu 10, PK, ZHK i USK? Da li je ovakav način raspodjele poticaja po kantonima opravdan i motivirajući i da li je kao takav dobio podršku Vlade i Parlamenta FBiH?“
4. Pitanja postavljena Centralnoj banci BiH:
 - 1) Šta je uticalo na to da je neto dobit CB u 2013. godini za 15 miliona KM manja u odnosu na 2011. godinu?
 - 2) Šta je uticalo na to da je dobit od prodaje monetarnog zlata u 2011. godini iznosila 18 miliona KM, u 2012. 11,7 miliona, a u 2013. te dobiti nije bilo ni za 1,00 KM?
 - 3) Zašto su se personalni troškovi CB u 2013. povećali za oko 2 miliona KM u odnosu na 2012.?
 - 4) Šta je uticalo na to da su prihodi od kamata CB u 2013. manji za 45% u odnosu na 2011.?
 - 5) Šta je razlog da je neto dobit CB od kursnih razlika u 2011. iznosila oko 11 miliona KM, a u 2013. je po tom osnovu iskazan gubitak od 54.000,00KM?
 - 6) Šta je uticalo da je strana valuta CB u gotovini u 2013. manja u odnosu na 2012. za oko 30%?
 - 7) Zašto su depoziti CB kod stranih banaka za 117 miliona KM manji u odnosu na 2012.?
 - 8) Zašto je ostala aktiva za 20% manja u 2013. u odnosu na 2012.?
 - 9) Zašto su se u 2013. u odnosu na 2012. povećale obaveze CB (682 miliona KM) i na šta se one odnose?
 - 10) Šta je uticalo na to da su kapital i rezerve CB u 2013. za 23% manji u odnosu na 2012. godinu?
 - 11) Da li je navedeno šta je izneseno, nešto što nas mora zabrinuti i šta se čini da se pokazatelji iz 2013. približe onim iz 2012. ili 2011.?”
5. Pitanja postavljena Vijeću ministara BiH:
 - 1) „Dokle se došlo sa izradom energetske politike na nivou Bosne i Hercegovine?“
 - 2) „Šta je i dokle se došlo sa Zakonom o pravima vlasništva i upravljanja državnom imovinom i njenom komisijom?“
6. Pitanje postavljeno Ministarstvu komunikacija i prometa BiH – „Da li se nešto preduzima u pribavljanju većeg broja CEMT dozvola za prijevoznike BiH za Austriju i Italiju?“

7. Pitanje postavljeno Upravi za indirektno oporezivanje BiH – „Da li se nešto namjerava učiniti na kolektivnoj potpunoj mjesečnoj prijavi sa samo jednom taksom ili kolektivnoj uplati svih taksi na jednoj uplatnici?“
8. Pitanje postavljeno Predstavničkom domu Parlamentarne skupštine BiH, Parlamentu Federacije BiH, Narodnoj skupštini Republike Srpske, Komisiji za koncesije BiH, Komisiji za koncesije Federacije BiH i Komisiji za koncesije Republike Srpske –“Da li se nešto preuzima na preciznijem reguliranju prijenosa koncesionih ugovora na finansijske institucije/kreditore ali i dalje s kreditora na neko treće lice, imajući u vidu da postojeća definicija stvara konfuzije i probleme u praktičnom rješavanju prijenosa?“
9. Pitanje postavljeno Federalnom misnistarstvu okoliša i turizma – „Zašto se u Pravilniku o monitoringu emisija ne definira nivo kisika u otpadnim plinovima, budući da je to ključni faktor za izračun i interpolaciju parametara (na Nm³), te jedinstveno određivanje koncentracije polutanata u dimnom plinu?“
10. Pitanje postavljeno Poreznoj upravi FBiH i Poreskoj upravi RS – „Da li se nešto namjerava preduzeti na pojednostavljenju procesa uplate javnih prihoda, budući da je sadašnji način uplate obaveznih doprinosa vemenski zahtijevan, skup i neekonomičan, isključivo radi prevelikog broja platnih naloga?“
11. Pitanje postavljeno Ministarstvu vanjske trgovine i ekonomskih odnosa BiH, Federalnom ministarstvu energije, rudarstva i industrije, Ministarstvu industrije, energetike i rudarstva Republike Srpske i Vladi Brčko Distrikta BiH – „Šta se preduzima na smanjenju potrošnje enregije, promociji energetske efikasnosti kod krajnjih korisnika, energetskom certificiranju te inspekciji sistema grijanja i ventilacija?“